

5

Treorú maidir le Cláir Oibre

Cuireann UCD go mór le hÉirinn agus lena hionad i measc thíortha an domhain trí shárbheartaíocht acadúil, trí oideachas a chur ar chéimithe óga den scoth agus trí obair thaighde cheannródaíochta.

Treisiúir lena fheabhas a thugtar príomhchuspóir acadúil UCD, an teagasc agus an taighde, i gcrích tríd an mbeartaíocht i réimsí na cumarsáide, go himmheánach agus go seachtrach, tiomsú cistí agus caidreamh le hiarscoláirí.

Is é an ról atá ag Cumarsáid UCD cinntiú go gcothaítear caidreamh den rath idir an ollscoil agus a cuid geallsealbhóirí ar bhealaí cumarsáide éagsúla. Bíonn cumarsáid á dhéanamh le grúpaí inmheánacha agus le grúpaí seachtracha. Ní mór teachtaireachtaí soiléire agus eolas cuimsitheach a chur in iúl go mbeidh tuiscint in Éirinn agus thar lear ar bhearta iomadúla UCD agus ar an ról lárnach atá ag an ollscoil in Éirinn agus i measc mhuintir na hÉireann ar fud an domhain.

Bíonn Forbairt agus Caidreamh le hIarmhac Léinn UCD ina nasc lárnach idir UCD agus meitheal na n-iarmhac léinn ar fud an domhain. Cothaítear dílseacht, páirteachas agus dúthracht feadh saoil maidir leis an ollscoil le Clár na nIarmhac Léinn. Tá de chúram ar Forbairt agus Caidreamh le hIarmhac Léinn UCD chomh maith cistí breise a aimsiú a ligfidh don ollscoil feabhsú arís ar na hardchaighdeáin oideachais agus seirbhíse a chuirtear ar fáil.

Is den riachtanas é go ndéantar infheistíocht san oideachas agus sa taighde ionas go ndaingnítear agus go bhfeabhsaítear cumas UCD eolas nua a ghlacadh isteach, a chruthú agus leas breise a bhaint as. Is féidir infheistíocht dá leithéid a mhealladh trí leanacht ag treorú maidir le cláir oibre agus ag cothú an chaidrimh le hIarmhac Léinn agus daoine nach iad a chuidíonn le hobair na hollscoile.



Cumarsáid

Forbairt agus Caidreamh le hlarmhíc Léinn

Aitheantas Speisialta

CUMARSÁID

Is é an príomhchuspóir atá le Cumarsáid UCD cur leis an tuiscint ar stádas UCD in Éirinn agus thar lear trí chumarsáid den scoth ar fud na modhanna caidrimh ar fad.


Tá d'aidhm leis sin mic léinn ardchumais a mhealladh chun freastal ar UCD, saothar taighde an aos léinn a chur chun cinn i measc phobal níos leithne nach mbaineann leis an acadúlacht agus seirbhís cumarsáide den scoth a chur ar fáil do na meáin chumarsáide agus do gheallsealbhoirí eile.

Is tábhachtach an aidhm ag an ollscoil chomh maith an fhoireann inmheánach agus na geallsealbhoirí mic léinn a choinneáil ar an eolas agus tugtha do chúrsaí na hollscoile.

Le bliain anuas, thug Cumarsáid UCD faoi roinnt tograí claochlaithe d'fhonn treisiú le haidhmeanna straitéis na hollscoile. Tugadh tús áite don athdhearadh ar an suíomh gréasáin, do straitéis margaíochta maidir le hearcú mac léinn fochéime a fhorbairt agus a chur i bhfeidhm, don úsáid leanúnach sheasta as an mbranda amháin a thabhairt i gcrích agus don bhéim a leagan ar thorthaí an taighde a chur i láthair sna meáin chumarsáide is leithne aird.

Cuireann Cumarsáid UCD seirbhís taca ar fáil do réimsí tábhachtacha eile san ollscoil; tugtar cúnamh praiticiúil agus straitéiseach le gnóthaí a mbaineann margaíocht áitiúil, bainistíocht ar imeachtaí, dearadh agus foilsiú agus caidreamh poiblí leo.

Fógra preas maidir le
UCD Horizons



HOW FAR DO YOU WANT TO GO?

UCD Horizons is a new modular university curriculum offering you greater choice and flexibility across 75 CAO programmes.

You can broaden your knowledge by taking modules from outside your subject area, or deepen your knowledge by focusing on modules within your core degree. UCD degrees focus on innovation, creativity, learning and ultimately your success.

With UCD Horizons the choice is yours. Go to www.ucd.ie

UCD | HORIZONS
a greater degree of choice

WWW.UCD.IE



Is stóras abhalmhór d'eolas riachtanach, praiticiúil agus suimiúil í suíomh gréasáin UCD (www.ucd.ie). An dearadh agus nascleanúint ar furasta bainistíocht agus cothabháil a dhéanamh maidir leis ag leibhéal an aonaid agus a ligeann don lucht úsáide teacht ar eolas go héifeachtach is cúis lena fheabhas atá ag éirí leis. D'oibrigh Cumarsáid UCD leis na Scoileanna i rith na bliana d'fhonn athstruchtúrú a dhéanamh ar an ábhar don ghréasán agus é a fhoilsiú sa leagan amach nua. Is féidir teimpléad Scoil Eolaíocht Bhithmhóilínigh agus Bhithleighis UCD (www.ucd.ie/sbbs/index.html) a úsáid d'fhonn an tionchar is mó is féidir a bheith ag eolas faoin bhfoireann, faoin teagasc agus faoin taighde.

DUL CHUN CINN GO DTÍ SEO

Bhí ardú 10.4% ar na hiarratais céad rogha i gcomparáid leis an mbliain roimhe de bharr an fheachtais margaíochta d'fhonn cur le líon na n-iarratas tríd an mbranda UCD Horizons.

Cuireadh cló so-aitheanta amháin in iúl le togra an bhranda trínar cuireadh de leataobh réimse lógónna éagsúla agus cruthaíodh dá réir sin tuiscint ar UCD mar chomhartha aitheantais ag an bhfoireann, ag na mic léinn agus i measc cuairteoirí.

Bhí tionchar ag an mbéim ar chaighdeán, feabhas agus tráthúlacht ar an athdhearadh a tugadh ar fhoilseacháin na hollscoile ó thaobh lón ábhair agus stíle de. Feictear a thoradh sin mar shampla ar iris na n-iarmhac léinn UCD Connections agus ar an réamheolaire maidir le UCD Horizons.

Eiseamal de fhrog iontaisithe atá in Museu de Geologia del Seminari, Barcelona, An Spáinn

Leantar ag cur saothar is ábhar spéise do léitheoirí taobh istigh agus taobh amuigh chun cinn in UCD Today agus ar an tseirbhís nuachta ar líne. Cuireadh béim speisialta ar thorthaí taighde agus ar imeachtaí a bhí ar siúl a chur chun cinn sna meáin chumarsáide in Éirinn agus thar lear.

Ag eascairt as cinntí an Tascfhórsa maidir leis an gCumarsáid Inmheánach, bunaíodh post Bhainisteoir na Cumarsáide Inmheánaí. Chomh maith le cuidiú leis an lucht bainistíochta sinsearach modhanna cumarsáide anonn agus anall a bhunú le lucht foirne agus leis na mic léinn, baineann sé leis an bpost an réimse leathan beartaíochta taobh istigh den ollscoil a léiriú agus a chur chun cinn, ag cuidiú le meitheal bríomhar atá tugtha don obair a chothú.

Tugadh an leagan nua den suíomh gréasáin i bhfeidhm i ngach cuid den ollscoil agus cuireadh oiliúint agus cúnamh suntasach ar fáil d'fhonn na Scoileanna agus na haonaid a spreagadh chun ábhar nua a chur suas go rialta agus bainistíocht a dhéanamh maidir le foilsiú a gcuid ábhair féin.

Brandáil UCD á húsáid go tréan nuair a tháinig Noam Chomsky, teangeolaí a bhfuil cáil dhomhanda air, ar cuairt chuig UCD



Cuireadh Cumarsáid UCD ar ghearrliosta do ghradaim de chuid an tionscail maidir le brandaí, fógraíocht agus cumarsáid ar an idirlíon.

CUSPÓIRÍ AMACH ANSEO

Beidh dúshláin eile ag baint leis an am atá ag teacht agus breis iomaíochta in earnáil na bhfochéimithe. Leanfaidh Cumarsáid UCD ag cur pleannanna le chéile agus dá gcur i bhfeidhm d'fhonn UCD a chur chun cinn maidir le hobair oifige earcaíochta na mac léinn.

Beidh gá le straitéisí cumarsáide ar leith faoi scáth chúrsaí staidéir iarchéime agus oiliúint iardhochtúireachta de bharr straitéis na hollscoile don oideachas agus don taighde ceathrú leibhéal a thabhairt

CLÚDACH IDIRNÁISIÚNTA Ó NA MEÁIN



Chuir Cumarsáid UCD toradh na hoibre a rinne María McNamara chun cinn. D'éirigh leis an meitheal taighde sin an chéad sampla riamh de smior iontaisithe a bhaint as froganna agus salamandair a fuair bás os cionn 10 milliún bliain ó shin i loch fotheochriosach in oirthuaisceart na Spáinne (féach leathanach 24). Tar éis toradh na taighde a fhoilsiú san iris léinn Geology, scríobhadh an scéal do UCD Today agus do na meáin chumarsáide in Éirinn agus thar lear. Foilsíodh sna meáin chumarsáide chraolta, chlóite agus leictreonach é ar fud an domhain.

chun cinn agus cúig cinn de Scoileanna larchéime nua a bhunú.

Leanfaidh Cumarsáid UCD ag cur creata agus polasaithe cumarsáide éifeachtacha le chéile agus á gcur chun cinn d'fhonn caidreamh fiúntach agus aiseolas a chothú maidir le ceisteanna a bhfuil tábhacht leo do phobal UCD.

Beidh béim ar thorthaí taighde a chur in iúl do dhaoine nach den phobal acadúil iad agus é sin mar phríomhaidhm san am atá romhainn.

Beidh gá le cumarsáid den scoth leis na geallsealbhoirí in Éirinn agus thar lear maidir le seoladh an chomórtais ailtireachta do Thogra an Gheata.

FORBAIRT AGUS CAIDREAMH LE HIARMHIC LÉINN



Scoláirí Newman anseo leis an Dr Hugh Brady, Uachtarán UCD: Aurora Trif, AIB & Aughinish Alumina - Caidreamh Fostaíochta nua; Aoife O'Donovan, Craig Dobbin - Meabhairshláinte; Brenda Murphy, Ann Westby - Sábháilteacht Bia; Annetta Zintl, Cuisine de France - Sábháilteacht Bia; Declan Healy - Punchestown Kidney Research Fund - Taighde Duán; Aisling O'Riordan, Baxter Healthcare Ltd - Neifreolaíocht; Denise Drudy, Diageo - Sábháilteacht Bia; Joanna Griffin, Pfizer Animal Health UK - sláinte ainmhithe; Carmen Negro, C & C - Sábháilteacht Bia; Rebecca O'Mahony, Dunnes Stores - Sábháilteacht Bia; Ciara Walsh, Dawn Farm Foods - Sábháilteacht Bia

Treisiúnn Forbairt agus Caidreamh le hIarmhí Léinn UCD le plan straitéise UCD trí struchtúr buan bhailiú airgid a chur ar bun trína ndéanfar cumarsáid, caidreamh agus nascadh ceangail le hearnálacha tábhachtacha.

Is é an aidhm atá leis an gclár oibre sin, an aisling amháin a chur chun cinn le comhar UCD agus suim iardheontóirí, dheontóirí reatha agus dheontóirí ionchais a mhealladh san aisling chéanna. Beidh iarmhí léinn na hollscoile ina measc sin agus aimseofar deontóirí ionchais nua trí lucht aitheantais chomhaltaí an bhoird, na ndéontóirí agus chairde eile i gcúrsaí gnó agus sóisialta.



Tá clár ar bun in Éirinn agus i Stáit Aontaithe Mheiriceá chun deontóirí a aimsiú, cairdeas a chothú leo agus tabhartais luachmhara a iarraidh orthu a ligfidh do UCD aidhmeanna na straitéise a thabhairt i gcrích.

Tá clár cumarsáide níos fearr curtha ar bun chun cumarsáid rialta a dhéanamh leis na hiarmhí léinn trí mhodhanna cumarsáide clóite agus leictreonach. Cinntítear leis an gclár seo go bhfaigheann gach iarmhí léinn ar a laghad teachtaireacht oifigiúil amháin in aghaidh na bliana ó UCD. Craobhscaoiltear nuachtlitir leictreonach uair sa mhí i measc na n-iarmhí léinn ar fad a roghnaíonn teachtaireachtaí ríomhphoist a fháil ó UCD.

DUL CHUN CINN GO DTÍ SEO

Cláir Scoláireachtaí

Bhí an bhéim maidir le hobair fhorbartha ar chistí do chláir Scoláireachtaí UCD d'fhonn sárfeabhas acadúlachta a chur chun cinn agus na buntáistí a bhaineann le hoideachas ollscoile a bheith ar fáil ag daoine atá faoi mhíbhuntáiste sa ghnáthshaol.

Thug Banc AIB €1m mar chabhair le scoláireachtaí a chur ar fáil faoin gclár deise New ERA agus tháinig €1m eile ó dheontóir gan ainm a lua chun cuidiú le clár na Scoláireachtaí Ad Astra a sheoladh.

Cathaoir Keith Cameron i Léann na hAstráile

Tá AU\$1.5m geallta ag Rialtas na hAstráile mar Mhaoineas do Chathaoir Keith Cameron i Léann na hAstráile. Tugadh an gealltanas le linn chuairt Phríomh-Aire na hAstráile, John Howard, ar UCD i mí Bealtaine 2006.

Institiúid Michíl Uí Chléirigh

Tháinig tabhartas €500,000 ag Institiúid Mhíchíl Uí Chléirigh maidir leis an obair ar chaomhnú chartlann na bProinsiasach

Príomh-Aire na hAstráile, John Howard, le linn a chuairte ar UCD

Comhaltachtaí Newman

Ba bhliain mhaith eile an bhliain 2006 ag clár Chomhaltachtaí Newman agus airgead á chur i leith seacht gcinn eile de Chomhaltachtaí Newman i rith na bliana. Cuireadh an dinnéar bliantúil do Chomhaltáí Newman ar siúl arís mar cheiliúradh ar an gclár taca taighde acadúile is mó le rá ag UCD.

Tugann an ócáid deis don ollscoil buíochas a ghabháil leis na deontóirí agus a áiteamh orthu leanacht dá gcuid cabhrach maidir le clár Chomhaltachtaí Newman. Agus a thábhachtaí agus atá an clár don obair thaighde in UCD á léiriú, bíonn seans ag na deontóirí bualadh leis na scoláirí a bhfuil siad ag déanamh urraíochta orthu. Féadann na Scoláirí freisin a gcuid taighde a chur i láthair agus an tábhacht atá le Scoláireacht Newman dá gcuid oibre a chur in iúl.

Sa ghrianghraf: Seamus McGuinness (ar chlé), an chéad scoláire Ad Astra ag UCD, leis an Ollamh Kevin Malone agus é ag seasamh le fearas 21 gram McGuinness

CUSPÓIRÍ AMACH ANSEO

Leanfaidh UCD ag cur leis na seirbhísí atá ar fáil do na hiarmhac léinn go mbíonn borradh agus biseach breise ar an gcaidreamh leo. Cuirfear clár le chéile de shocrúithe fabhair a bheidh ar fáil ag gach iarmhac léinn, eagrófar imeachtaí maidir le hiarmhac léinn a bheidh dírithe ar scoileanna agus ar choláistí agus déanfar soláthar maidir le riachtanais agus sainspéiseanna áirithe.

Leanfar de thabhairt chun cinn shuíomh idirlín na n-iarmhac léinn d'fhonn soláthar do chaidreamh ag iarmhac léinn lena n-íarchéilí ranga, le grúpaí comhchaidrimh agus leis an ollscoil. Beidh an suíomh idirlín ar an bpríomh-mhodh caidrimh maidir leis an gcumarsáid sin agus déanfar bearta chun iarmhac léinn a spreagadh agus a ghríosú le caidreamh a dhéanamh le pobal UCD ar bhealaí nua.

Beidh deis ag iarmhac léinn, lucht foirne agus mic léinn cuidiú leis an ollscoil a cuid cuspóirí straitéiseacha a thabhairt i gcrích trí cheangal le clár chárta creidmheasa comhchaidrimh UCD a déanfar a athsheoladh i rith na bliana faoi chlío nua agus le réimse sochair nua d'iarmhac léinn.

Beidh an bhéim san obair fhorbartha ar oibriú i gcomhar le coláistí agus le scoileanna ar fud na hollscoile d'fhonn tograí oiriúnacha a shonrú, deontóirí ionchais a spreagadh chun cuidiú leis na tograí sin agus na cistí is gá a bhailiú chun na pleananna a thabhairt i gcrích.

PRÓIFÍL SCOLÁIRE AD ASTRA

Bronnadh an chéad scoláireacht Ad Astra i Léann an Fhéinmharaithe ar an ealaíontóir teicstíle, Séamus McGuinness, atá lonnaithe i Scoil Leighis agus Eolaíocht an Leighis UCD. Léachtóir as Dún na nGall sa dearadh teicstíle atá ann agus é ag saothrú i réimse an fhéinmharaithe leis na blianta.

Go mall sa bhliain 2003, thosaigh sé ag bailiú léinte bána nach raibh á gcaitheamh feasta nó léinte seanfhear agus mhúnlaigh sé a raibh fanta de na léinte bána go ndearna dealbha i gcruth óigfhir agus



gur chuir le chéile iad sa saothar ealaíne. Cé nárbh ionann cruth ná méid de na saothair fhuílleach léine seo, bhí 21 gram meáchain iontu uilig, an meáchan a luaitear i miotais a bheith in anam an duine. Ba samhail na léinte ar an saol ar giorraíodh leis agus ar an gconablach óigfhir a fágadh agus an scrios a tháinig dá bharr.

I mí na Samhna 2005, thug Séamus an saothar ealaíne seo chuig comhdháil maidir leis an ealaín teicstíle sa Liotuáin mar a raibh os cionn 260 saothar ealaíne le healaíontóirí as 92 tír éagsúil. Thug Séamus leis an príomhghradam idirnáisiúnta don "ealaín i gcomhthéacs sóisialta" leis an saothar "21 Grams".

Tá Séamus anois ag obair ar an gcéad saothar ealaíne eile uaidh dar teideal "The Presence of Absence" - scrúdú eile ar an bhféinmharú in Éirinn na linne seo tríd an ealaín teicstíle. In UCD, beidh sé ag saothrú faoi stiúir Ollamh UCD le Siciatracht, Kevin Malone, agus tá sé de rún acu athrú ó chothú na tuisceana go haimsiú eolais nua maidir le féinmharú.

Ligeann an Scoláireacht Ad Astra do UCD an chruthaitheacht atá i Séamus a chothú agus fágfar gur féidir ardán institiúideach a chur ar fáil chun an trioblóid agus an tubaiste a bhaineann le féinmharú in Éirinn na linne a chur in iúl don tsúil.

AITHEANTAS SPEISIALTA

CÉIMEANNA ONÓRACHA

Bronnadh Céimeanna Onóracha orthu seo a leanas i mí Meitheamh 2006:

Eileen Collins

Bronnadh Dochtúireacht Onórach san Eolaíocht ar Eileen Collins mar gheall ar ar bhain sí amach agus í ar an gcéad phiolóta mná i gceannas ar spástointeálaí de chuid NASA agus 872 uair a chloig a chaitheamh sa spás le linn ceithre mhísean. Tugadh aitheantas di chomh maith mar gheall ar an obair a dhéanann sí ag spreagadh dhaoine óga chun slite beatha a roghnú a mbaineann matamaitic, eolaíocht agus innealtóireacht leo agus chun na hábhair sin a roghnú ar scoil dóibh.

Anthony Cronin

Bronnadh Dochtúireacht Onórach sa Litríocht ar Anthony Cronin mar aitheantas ar a chuid saothair mar fhile agus údar clúiteach. Bhí sé ina chomhairleoir maidir le cúrsaí cultúir agus ealaíne ag an iar-Thaoiseach, Searlas Ó hEochaidh agus ina bhall bunaithe in Aosdána a ndearnadh Saoi air de sa bhliain 2003.

Peter Gleeson

Bronnadh Dochtúireacht Onórach sa Dlí ar Peter Gleeson mar gheall ar a bhfuil déanta aige i gcúrsaí gnó in Éirinn. Chuir sé le gnóthachan tráchtála Castle Knitwear le linn tréimhse géariomaíochta agus é ina Chathaoirleach agus ina Phríomhfheidhmeannach ar an gcuideachta. Rinne sé fónamh ar bhord stiúrtha an Smurfit Group ar feadh fiche bliain agus is dúthrachtach é i gcúrsaí daonnachtúlachta maidir le réimsí an leighis agus an oideachais.

Michael Kelly SJ

Bronnadh Dochtúireacht Onórach sa Dlí ar Michael Kelly mar gheall ar a chuid oibre le Cúnamh Éireann i dtabhairt chun cinn an bheartais faoi VEID/SEIF in earnáil an oideachais sa tSaimbia agus i dtíortha eile san Afraic.

Tá cumasc idir scoláireacht ar an gcaighdeán is airde agus cur chuige calma truachroíoch de thréithe lena chuid saothair i réimse chomh casta le VEID/SEIF.

Paul Rusesabagina

Bronnadh Dochtúireacht Onórach sa Dlí ar Paul Rusesabagina mar gheall ar a chuid bearta daoncharadais i rith an chinedhíothaithe i Rúanda sa bhliain 1994 nuair a thug sé tearmann, ina bhainisteoir ar an Hotel des Mille Collines dó, d'os cionn 1,268 de chine na Tutsi agus de dhream measartha Hutu ionas nach ndearna an míliste Interahamwe slad orthu. Ar an gcás sin a bunaítear scéal an scannáin 'Hotel Rwanda'

José Saramago

Bronnadh Dochtúireacht Onórach sa Litríocht ar José Saramago mar gheall ar a chuid saothair mar údar. Bronnadh Duais Nobel na Litríochta air sa bhliain 1998 agus tá filíocht, aistí, drámaí agus cín lae curtha de aige. Rugadh sa Phortaingéil é agus tar éis dul faoi oideachas mar theicneoir agus roinnt postanna obair láimhe a bheith aige, thug sé go hiomlán faoin scríbhneoireacht sa bhliain 1979 agus tháinig cáil idirnáisiúnta air agus é blianta beaga ós cionn an leathchéid.

BONN LÁ AN BHUNAITHE

Paddy Hillery

Iarmhac léinn den ardsuntas de chuid UCD é an Dr Pádraig Ó hIghle ar bronnadh Bonn Lá an Bhunaithe air i mí na Samhna 2005 as ucht an saothar mór atá déanta aige maidir leis an saol poiblí in Éirinn. Ina Aire Rialtais dó ar feadh scór go leith bliain, rinne sé fónamh i Ranna Rialtais, an Roinn Oideachais ina measc mar ar chuir sé an Coimisiún Ardoideachais ar bun a raibh an tuarascáil uaidh sa bhliain 1965 ina réalt eolais maidir leis an oideachas in Éirinn an chuid eile den fichiú céad. Bhí moladh go forleathan air mar Uachtarán na hÉireann idir 1976 agus 1990 as a chuid ionracais, macántachta agus dúthrachta.



(Clé go Deas) An Dr Peter Gleeson, An Dr José Saramago, An Dr Hugh Brady (Uachtarán UCD), An Dr Anthony Cronin agus an Dr Michael Kelly SJ ag an mbronadh oinigh i mí an Mheithimh 2006

An tOllamh Klaus Schwab (ar chlé) le Kieran McGowan, Cathaoirleach Údarás Rialaithe UCD

BONN ULYSSES

James Heckman

Bronnadh bonn Ulysses ar an Ollamh Heckman mar gheall ar an gcion oibre atá déanta aige sa taighde ar chúrsaí eacnamaíochta agus iompar an duine. Tá spéis mhór curtha aige sa bhuntáiste eacnamaíochta as infheistíocht i ndea-bhail an linbh le linn a luathóige. Léirítear ina chuid saothair go n-imríonn an timpeallacht le linn na luathóige tionchar díreach ar dhul chun cinn eacnamaíochta an linbh in aois duine fásta dó ina dhiaidh sin. Bronnadh duais Nobel mar gheall ar chúrsaí eacnamaíochta ar an Ollamh Heckman sa bhliain 2000 agus tá glactha aige le ceapachán mar Ollamh le hEolaíocht agus an Pobal in UCD i mbliana.

Enda O'Brien leis an Ollamh Andrew Carpenter, Ceann Scoil an Bhéarla agus na Drámaíochta



Aoibhinn Ní Shúilleabháin (BSc) agus Brian Dooher (MBV) agus gradaim Lá an Bhunaithe á mbronnadh orthu in 2005 de bharr a gcuid sároibre

Edna O'Brien

Bronnadh Bonn Ulysses ar Edna O'Brien mar gheall ar a cuid saothair le leathchéad bliain maidir le litríocht na hÉireann. Tá drámaí, leabhair do leanaí, aistí, scipteanna scannán agus saothair neamhfhicsin faoi Éirinn scríofa aici. Bronnadh gradaim liteartha uirthi, ina measc Gradam Kingsley Amis maidir le ficsean sa bhliain 1962, Gradam Úrscéil an Yorkshire Post sa bhliain 1971, agus Duais Leabhair an Los Angeles Times sa bhliain 1990. Tá a cuid páipéir liteartha curtha le Bailiúcháin Speisialta UCD i Leabharlann James Joyce UCD agus ceapadh í ina hOllamh Cúnta le Scríbhneoireacht Chruthaitheach san ollscoil

Klaus Schwab

Bronnadh Bonn Ulysses UCD ar an Ollamh Schwab mar gheall ar a chuid oibre maidir le fiontraíocht ar mhaithe leis an leas poiblí ar fud an domhain le 35 bliain anuas. Bhí sé ina Ollamh le Polasaí Gnó in Ollscoil na Geiníve idir 1972 agus 2002. Bhunaigh sé an World Economic Forum sa bhliain 1971 mar fhondúireacht gan bheann ar bhrabús agus faoina stiúirsean cuirtear an pháirtíocht dhomhanda chun cinn mar mhodh chun tabhairt faoi cheisteanna ar nós fiachas an tríú domhan, trádáil idirnáisiúnta, forleathadh na heitinne ar fud an domhain agus próiseas síochána an Mheán-Oirthir.



GRADAIM LÁ AN BHUNAITHE

Bronnadh Gradam Lá an Bhunaithe ar bheirt chéimithe óga i mí na Samhna 2005.

Aoibhinn Ní Shúilleabháin Chuir Aoibhinn tús lena réim i UCD mar scoláire iontrála sa bhliain 2001. Ghnóthaigh sí céim céad onóracha BSc san Fhisic Theoiriciúil a bronnadh uirthi mí na Nollag seo caite de bharr a cuid oibre mar fhochéimí. Tarraingíodh aird na tíre ar Aoibhinn nuair a bhuaigh sí gradam an Rose of Tralee samhradh na bliana 2005. Léirigh sí díocas neamhbhalbh agus dúthracht maidir leis an eolaíocht chomh maith le tréitheachas agus daingne inti féin. Ag an gcéad ócáid phoiblí aici mar Rose of Tralee, ag Féile Eolaíochta BA, mhol sí do mhic léinn slí bheatha a bhaint amach san eolaíocht.



Brian Dooher Bhí Brian ina Chaptaen ar fhoireann Thír Eoghain, curáí uile-Éireann sa pheil Ghaelach sa bhliain 2005. Tá sé ar dhuine de chéimithe mórsuntais UCD agus d'éirigh leis an acadúlacht a shaothrú chun céim sa tréidliacht (MBV 1998) a ghnóthú ag an am céanna leis an gcumas agus an díocas a shaothrú chun bonn a bhuaich i gCorn Sigerson le UCD sa bhliain 1995. Tháinig Brian i gcomharbacht ar Chormac McAnallen tar éis tubaiste a bháis-sean sa bhliain 2004 agus ba léir tréithe an cheannródaí dáiríre ann ar an gcaoi ar chuir sé treoir ar fhoireann Thír Eoghain ag buaich chraobh uile-Éireann an bhliain dár gcionn.